

FOLASAGA MO LE FAIAOGA

Ina ia e saunia faaleagaga e aoao atu lenei lesona, faamolemole ia faitau ma mafaufau loloto i mea nei:

Na poloai mai le Alii, “Ia e faafetai i le Alii lou Atua i mea uma” (MFF 59:7). E tatau ona tatou faailoa atu le agaga faafetai i le Atua mo le tele o faamanuiaga Na te tuuina mai ia i tatou.

E tatau foi ona tatou loto faafetai i o tatou matua, faiaoga, uo, ma isi o e fesoasoani ia i tatou i soo se auala. (Tagai foi Salamo 100:3–4.)

SAUNIUNIGA

- Faitau le Luka 17:11–19, ma ia saunia e ootoo le tala i lepele e toa 10.
- Aumai se kopi o le Tusi Paia. Faailoga le Luka 17:11–19 e faafai-gofie ai ona e susue i ai.

GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

Tatalo Valaaulia se tamaitiiti e faia le tatalo amata.

Aoaoga o Aoaoga Faavae Ta’u atu i tamaiti ua tuuina mai e le Tama Faalelagi ia i tatou le tele o faamanuiaga, e pei o o tatou tino, o laau ma meaola, o o tatou aiga, ma le Ekalesia. Faamalamalama atu e mafai ona tatou faaali atu lo tatou alofa mo Ia i le fai atu “faafetai lava” ma e mafai foi ona tatou fai atu “faafetai lava” i o tatou aiga ma uo ma soo se tasi lava e faia se mea lelei ia i tatou.

Tala mai Tususiga Paia Faaali atu le ata o i le itulau 66. Faasino atu ia Iesu ma tagata na mamai tigaina. Susu’e le Tusi Paia i le Luka 17:11–19 ma faamatala i ai le tala i lepele e toa 10. O loo i lalo se faataitaiga:
Na i ai ni alii se toa 10 o e na mamai tigaina. Na faamaloloina i latou e Iesu ma manuia ai i latou (*faasino ia Iesu o loo i le ata*). Na matua fialia i latou uma (*tusi i lepele o i le ata*). Ae na o le toatasi le alii na fai atu “faafetai lava” ia Iesu (*tusi i le lepele loto faafetai o i le ata*). E mafai ona tatou fai atu “faafetai lava” (*valaaulia tamaiti e fai mai “faafetai lava”*).

Ata Faaali atu le ata tusi o i le itulau 67. Ta’u i tamaiti e faaali atu lo tatou alofa i le Tama Faalelagi e ala i le faafetaia o Ia mo mea uma lava ua Ia foai mai ia i tatou. Tusi i se tasi o ata ma valaaulia tamaiti e faia se taga e talafeagai ma le aitema lena (e pei o le sii o lima i luga ae o o latou ulu e fai ai se tumutumu o se fale, faafoliga o loo tau fua o se laau ma ’ai, faafoliga o loo faamaulu seevae, ma isi). Toe fai mo ata taitasi.

Pese Usu pe fai atu upu o le fuaiupu 1 ma le 2 o le “Faafetai i Lo Tatou Tama” (*Tusipese a Tamaiti*, 15) ma fai ia taga o loo i lalo. Valaaulia tamaiti tou te faia faatasi

MOTUGAAFA
FAAFAIAOGA

Gaoioiga faapotopoto: E lagona e tamaiti le saogalemu pe a i ai faiga masani ma suiga masani mai lea gaoioiga i lea gaoioiga. E fesoasoani lea ia i latou e faalogo ma filemu ma auai i gaoioiga.

Tala: Ia e nofuta i agavaa o tamaiti e malamalama ai. Alo-ese i le faaoga o le tautala faapepe po o upu e faigata tele foi. Mo se faataitaiga, faaoga “tagata na mamai i tigaina” nai lo “lepele.”

Ia tatou faafetai i le Tama, (*piilima*)
Mo mea uma ua ia foi mai. (*fofola lautele lima*)
Mata ma taliga, lima ma vae, (*tusi i mata, taliga, lima, ma vae*)
Ofu e oofu ai, (*faasino i lavalava*) ma meaai. (*faafoliga o loo 'ai*)

Faaiuga Fai i tamaiti e fai mai “faafetai lava.” Faasoa faapuupuu atu ou lagona o le agaga faafetai i le Tama Faalelagi ma Iesu Keriso.

Tatalo Valaaulia se tamaitiiti e faia le tatalo faaiu.

GAOIOIGA E FILIFILI AI

SAUNIUNIGA *Mo le gaoioiga e fai i ata:* Aumai ata o mea o loo e faafetai ai; e mafai ona e faaoga ata o i le tusi lesona lenei po o totonu o mekasini a le Ekalesia, pe e mafai foi ona e tusia au lava ata.

Mo le gaoioiga valivali ma le taaloga faafetaui: Kopi le ata tusi o i le itulau 67 mo tamaiti taitoatasi e valivali. Aumai ni fasisepa po o ni mea talitutusa e faaoga e tamaiti e faaoga o ni maka mo le taaloga faafetaui; ia lava mea e aumaia mo tamaiti taitoatasi ina ia le itiiti ifo i le fa maka.

Fuaiupu o Gaoioiga Fai i tamaiti tatou te faafetai i le Tama Faalelagi mo o tatou tino. Valaaulia tamaiti e tutu i luga ma outou faia faatasi le fuaiupu o gaoioiga lea. Faia soo se faatinoga o loo fautua mai lava i upu.


Tago i ou mata, tago i lou isu,
Tago i ou taliga, tago i ou tamai vae.
Aapa ou lima i luga,
Ia maualuga tele, e oo i le lagi.
Tuu lou lima i lou lauulu.
Nofo i lou nofoa ma filemu.

Tusi i lou gutu ma faapea atu, “Ou te faafetai mo lo’u gutu.” Fai i tamaiti e faataitai mai le fuaiupu ma taga. Toe fai mo mata, isu, taliga, lima, ma vae. Valaaulia tamaiti e ta’u mai nisi mea latou te faafetai ai, ma toe fai le fuaiupu mo mea latou te tauina mai.

Ata Faaali i tamaiti ia ata na e aumaia ma faamatala faapuupuu pe aisea ua e faafetai ai mo nei mea. Valaaulia tamaiti e ta’u mai ni mea ua latou maua ai le agaga faafetai.

Valivali Ia valivali e tamaiti se kopi o le itulau 67. A o valivali i latou, faamatala atu le ata ma faamalamalama i tamaiti mea o loo latou valivaliina. Faitau ia i latou upu o i le ata tusi.

Taaloga Faafetaui Ave i tamaiti taitoatasi ni fasisepa tai fa. Faaali atu le ata tusi o i le itulau 67, faasino i le ata o le aiga, ma faitau i tamaiti le faamatalaga o i lalo o le ata. Valaaulia tamaiti e tuu se fasi pepa i luga o le aiga o loo i a latou kopi o le ata. Valaaulia i latou tou te toe faia faatasi le fuaiupu o loo i luga o le ata. Toe fai le gaoioiga lea mo isi ata.




MOTUGAAFA FAAFAIAOGA


O tamaiti laiti atonu e le auai i le lesona atoa. Ae peitai, faafetai ai ma le alofa ma le faamalosiuga, e mafai ona e aaoaina e faataitai atu i mea e te faia. Fesoasoani ia i latou e fai mai “faafetai lava” i taimi e tatou ai. O lau faataitaiuga e mafai ona ave ma au mea-faigaluega sili ona malosi e aoso atu ai. O le a aoso e tamaiti uiga faaalii, amioga, ma gagana e ala i le matauina o oe. (Tagai O Le Aoso Atu, E Leai Se Isi Valaauga e Sili Ai, 114–15.)

O le toe faia soo o lesona e fesoasoani i tamaiti e aoso ai, ma e malie foi mo i latou. E fiafia i latou e faalogo soo i le mea lava e tasi. E mafai ona latou aaoaina fuaiupu pupuu e fai soo ma ua latou matauina.







Ou te faafetai
mo o'u lavalava.



Ou te faafetai
mo meaai e ai.



Ou te faafetai
mo lo'u aiga.



Ou te faafetai
mo lo'u fale.